

林西縣志

蘇紹采題

(卷一)

北 520.39

42

5

林西縣地理志

古之爲政者先道德而後文學蓋道德化民俗而文學載物質雖道德首尙而文學亦必曰不可少也余也素乏通才學問窮陋縣志一書編纂數秋忽々至今尙未完成洵足愧慙夫縣志者無縣無之有是志必有辦言惜餘不明體例不敢著筆而縣地荒涼又少宿儒碩學無資考證近來謹述當日經過以塞厥職洵憶余於民國十八年承前縣長馬君之後來守斯土爾時法令煌々催修縣志余固知志者職所當爲而縣內學問淵博足成此志者實乏其人不得已乃聘徐致軒爲纂修致軒亦中材耳不過取承德府志而仿効焉本期呈諸上憲有求乎明史乘此而改修之是余之所厚也詎意今夏取回一無損益拋甄引玉不驗奈何我國肇造對於山川文藝人事之變遷政治之沿革物產之優劣異常注意縣志一書統而有之所以各處來索者絡繹不絕實不可待含忽刊印勉爲庶語權作緒言猶望海內碩彥重爲修正之是爲序

蘇 紹泉 謹 識

林西縣志

凡 例

一本邑自遜清光緒三十三年始放墾宣統元年始設治曩爲蒙古之游牧地既乏文獻又無方志與古昔之毆脫無以異也於民國十八年春奉到修志之命令羣囋然不知何謂經馬前縣長令農會承修遂置諸不理之例矣嗣因嚴令催促農會即將款派之地畝嚴催款而不選材又中止焉侯縣長蘇公到任始聘致軒爲纂修由省購到承德志一部以爲模型此修志之始基也

一本邑設治晚而人材缺遽纂縣志不獨體例難合卽取材亦多譌陋茲編祇可仿承德志增加而損益之略符公令

一查承德志全書惟重統系茲編分爲地理人事行政物產藝文五門各以其類附之計五十項整分門別類俾免混淆

一建置沿革考據務要翔實茲編因前代無方志今時又乏書籍可考謹採承德志所載北邊事跡略備一欄

一人材藝文科舉三項非歷年久遠不能滙萃本邑開闢僅二十年茲編故應缺略至義田積穀及捐卹諸善舉亦本邑之所無

一志書體制以繪圖爲首務本邑因迭遭饑饉經費困難未聘測繪專員暫時不能列入俟建設局繪妥詳圖再爲補列

一山川疆域貴考今昔變名茲編因本邑前代未經設治僅以現時之名稱列入

一區村道路悉從公安轄境之調查表列而城池公廨亦無多載略備一格待自治施行後再爲補編

一壇廟古蹟本邑境內均無略於境外蒙地調來數項以備一格

一民族之增減戶口之消長於社會進化最有關係特詳載之以覘世運之隆替

一宗教勢力最足啓迪人心是編於耶回佛老諸教詳溯本源期真諦傳諸將來

一本邑人民係五方招來初時風氣甚覺樸厚嗣因年歉所迫潮流所趨滄海桑田迭有變遷是編於禮俗婚喪等事據實陳述用俾後起知溯源之意

一農工商賈於民生有切膚之關是編不憚卑俗特詳陳之俾世人有趣重實業之思想

一本邑之礦產林牧均未興辦是編畧而弗載

一本邑爲初闢之縣是編故特著開闢等事項各列一記昭示來茲

一節烈婦女爲世景仰茲編於僻壤蓬門之苦志貞操與已請旌者同列一格俾潛德幽光並受褒揚之美

一本邑自放墾後屢遭匪患是編因特著戰役一記

一本邑戰役傷亡將士甚多茲編於忠烈祠之事跡獨詳故併碑匾對聯悉爲登載

一政治設施代有變更我民國之行政司法較前代特詳茲編特聘董其事之專員爲分纂如行政係一科科长陳乘原著教育係該局長翁桂林著均詳沿革俾觀政蹟

一本邑迭遭匪擾人民自衛尤屬重點茲編將保衛團之緣起及現奉之章程悉登簡端俾鄉區知守望相助爲要

一財政爲地方政治之本源茲編於畝捐之數目及擔負之重輕分項登載以覘利弊

一物產一門仿承德志例稱名辨物別性類情旁引諸書分註其下俾樹畜者知所宜忌製造者藉以研究以期有補社會民生

一藝文一門宜以詩書文詞爲限本邑開闢較晚佳章美什在所難得茲編僅將遼陵冊文及諸項碑傳列入略備一格

一本邑迭遭饑饉人材經濟兩闕而自治等新政均在緩辦之例茲編故未能登載

一本邑舊無志書文獻復艱徵尋設治未久博古又屬無基既鮮他山又乏將伯茲編之材料除取資承德志外悉由現時之調查所得不但滄海遺珠而且網漏吞舟故先呈草稿候令指示再行遵辦況刻下有經費之壓迫時問之限制謙陋之咎不文之誚實難辭免惟望大雅指示疵謬俾小子苟且塞責爲幸至補苴罅漏潤色增輝是在後之修志者

林西縣志錄目

卷一 地理志

建置沿革

疆域 附邊疆之險要方輿地畧刻開闢墾荒城鎮氣候

山脈

河流

道路

橋梁

公廨

縣城 附營壘

區村 附重要村鎮交通表村鎮戶口表

卷二

人事志

古蹟
義田

種族

宗教

禮俗

附民刼

戰役

擔負

地方之理亂興衰

慈善

節孝

農事
附土田水利土宜

田制附產量約數疏圖

名宦

鄉宦

鄉賢

商業附職員錢法沿革

卷三 政治志

行政

縣公署

教育會

教育局

黨義研究會

識字運動會

通俗教育

鄉村師範

音樂具樂部

教育局長沿革

全境學校表

公安局

保衛團 附鄉練簡章

卷四 物產志

植物 附農產收穫表

動物 附皮毛產額表

人製物

卷五 藝文志

遼

遼聖宗哀冊文

遼道宗哀冊文

宣懿皇后哀冊文

仁懿皇后哀冊文

民 國

米將軍傳 附碑文


常將軍傳 附碑文

文 廟

武 廟

祠 堂

圖面平府政縣西林



16	15	14	13	12	11	10	9	8	7	6	5	4	3	2	1
監務善後局	馬	影	大	護	傳	二	第	法	第	收	法	書	廚	縣	縣
	號	壁	門	警	達	門	二	庭	一	發	庭	房	房	長	長
				室	室	室	科	科	科	科	科	科	科	公	室

說圖署獄管


- 一、管獄員室
- 二、法警室
- 三、看守室
- 四、男拘留所
- 五、女拘留所
- 六、監獄

初級女子小學

完全小學


教育局圖

模範小學



- | | | | | | | | | | | |
|------|------|-------|----|----|-----|-----|-----|------|-----|-----|
| 11 | 10 | 9 | 8 | 7 | 6 | 5 | 4 | 3 | 2 | 1 |
| 女子小學 | 模範小學 | 完全小學校 | 大門 | 二門 | 校長室 | 教員室 | 課長室 | 縣督學室 | 辦公室 | 局長室 |

圖局安公西林圖面平會農西林



說圖局安公

9	8	7	6	5	4	3	2	1
督察室	傳達室	局員室	職員辦公室	廚房	司法科	行政科	局長公室	局長室
					13 大門	12 拘留室	11 警兵室	10 隊長室

農 會 圖 說

9	8	7	6	5	4	3	2	1
大門	廚房	糧倉	支應局	諸倉室	會議室	幹事委員會室	辦公室	幹事長室

卷一

林西縣地理

民國肇基尊重民權寶重國土墾闢邊疆鞏固國防此地雖得名爲林西縣焉前既無文獻志乘之徵今又乏古書之考其難其慎義不容辭不敢言創實無可因以萬不獲已之事自不得不按現時之地理鄰地之設置聊爲著述焉云爾

建置沿革

周 春秋時爲燕北地

史記召公奭周之同姓武王滅紂封召公於北燕又考劉恕外紀周惠王三十三年齊桓公救燕破屠河等處按屠河卽徒河徒河卽土河相傳之轉音也今名之曰老河在熱屬之平泉縣境內

秦 遼西郡地統五城



後漢書秦置遼西郡建五城曰陽樂曰海陽曰令支曰肥如臨榆按臨榆卽山海關之臨榆縣

漢 幽州地因地居北邊幽昧之處也

後漢書遼西郡安帝時改爲遼東屬地

東漢 幽州爲遼東屬地

後漢書遼西郡有燕然山有醫巫閭山有徒河按燕然山疑卽興安嶺山徒河卽今老河

晉 爲十六國割據地

按十六國春秋慕容皝建龍城爲都龍城卽熱省朝陽縣三座塔地

隋 爲遼西郡地爲契丹所據（見熱河志）

隋書契丹傳當後魏時部落萬餘內附止於白貌河（卽今白狼河）又言部落最大當北魏時分爲奚萬丹等八部散居潢水南北林西地居潢水之北知卽隋時契丹地也又云太和時內附居白狼河者乃其別部其全部仍居故地開皇時款基內附聽居故地是仍在潢水左右也開皇末來降之人旣衆令依託訖臣水而居（今老河卽古託訖臣水）流經建昌朝陽兩縣北境適當隋遼西郡又隋書地志大業初置遼西郡有帶方山雞鳴山松山松（山在赤峯縣境）